

〔倭名類聚抄道略〕津 唐令云諸度關津及乘船筏上下經津者皆當有過所

〔令義解關市〕凡行人出入關津者謂行人者公私皆是也津者攝津其要略皆以人到為先後不得停擁中

略

凡官司未交易之前不得私共諸蕃交易為人糺獲者二分其物一分賞糺人一分沒官若官司於其所部捉獲者皆沒官謂不限部人外人唯為當所官司捉獲者皆是若部人於他界交易而本部官人遣捉獲者合賞一分其關津糺獲及里長坊長於其坊里捉獲者亦皆沒官

〔令義解捕亡〕凡官私奴婢逃亡經一月以上捉獲者廿分賞一○義略一年以上十分賞一其年七十以上

及瘡疾○義略不合役者并奴婢走捉前主謂奴婢逃亡走捉前主即為前主捉送既異他人捉獲故前主亦從減半也及關津捉獲者賞各減半

〔令義解雜〕凡要路津濟謂不必大路當人往來有要便者皆是也不堪涉渡之處皆置船運渡依至津先後為次國郡官司檢

校及差人夫充其度子謂以雜徭差配二人以上十人以下每二人船各一艘

〔類聚三代格十六〕太政官符

應聽自草野國埼坂門等津往還公私之船事

右得太宰府解僦檢案內太政官去天平十八年七月廿一日符僦官人百姓商旅之徒從豐前國草野

津豐後國國埼坂門等津任意往還擅漕國物自今以後嚴加禁斷但豐後日向等國兵衛采女資物漕

送人物船取國埼之津有往來者不在禁限除此以外咸皆禁斷者府依符旨重令禁制上件三津尚多

奸徒舊來越度不得禁斷又雖有過所而不經豐前門司如此之徒咸集難波望請便令攝津國司勘檢

過所若无過所并門司勘過者依法科斷然則奸源自清越度亦息謹請官裁者被大納言正三位紀朝

臣古佐美宣僦奉勅自今以後公私之船宜聽自豐前豐後三津往來其過所者依舊府給當所勘過不

可更經門司但承前所禁不在聽限長門伊豫等國亦宜承知

延曆十五年十一月廿一日